

Hamed Aljović
zastupnik SDA u SKS

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Ured za borbu protiv korupcije i upravljanje kvalitetom, KUIP

PREDMET: Zastupničko pitanje

Poštovani,

Prema dostupnim podacima, ministar zdravstva je 26. 03. 2021. godine raspisao javni oglas za nominiranje/ imenovanje predsjednika i članova Upravnog odbora Zavoda zdravstvenog osiguranja Kantona Sarajevo. Nakon toga Vlada je na 20. sjednici održanoj 29. 04. 2021. godine donijela Rješenje o imenovanju komisije za nominiranje/ imenovanje predsjednika i članova Upravnog odbora Zavoda zdravstvenog osiguranja Kantona Sarajevo. Za predsjednicu je imenovana Amra Isić, inače sekretar Ministarstva zdravstva.

Nerin Dizdar jeste najviše rangirani SDP-ov član Upravnog odbora ZZO-a KS, ali nije i jedini. Tu su još Belma Kapo, također iz SDP-a i Benjamin Bejtović iz Naše stranke.

Naknada za članstvo u Upravnom odboru je utvrđena Zakonom o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo i iznosi oko 400 KM neto.

Ništa ne bi bilo sporno da se prilikom ovog imenovanja nekome nije potkrala greška u evaluaciji pristiglih prijava, ili je neko dao lažnu pisanu izjavu za potrebe konkursa. Naime, odredbama člana 2. stav. 1. tačka g) Odluke o kriterijima za nominiranje/

imenovanje predsjednika i članova Upravnog odbora Zavoda zdravstvenog osiguranja Kantona Sarajevo, čiji osnivač je Kanton Sarajevo („Službene novine KS“ 25/16 i 22/19) je utvrđeno da za predsjednika i člana Upravnog odbora Zavoda može biti nominiran/ imenovan kandidat koji ispunjava i uslov „da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima Federacije Bosne i Hercegovine“. U javnom pozivu od 26. 03. 2021. godine, od kandidata je traženo i da dostave izjavu potpisanu i ovjerenu od strane nadležnog organa, koja potvrđuje da nisu na funkciji u političkoj stranci, u smislu člana 5. Zakona o ministarskim, vladinim i drugim imenovanjima Federacije Bosne i Hercegovine. Prema lahko i javno dostupnim informacijama, Nerin Dizdar je politički direktor Socijaldemokratske partije BIH (SDP), Kapo je vijećnik SDP u Općinskom vijeću Centar, bila je na listi SDP-a na posljednim izborima kao kandidat za Zastupnički dom Parlamentarne skupštine BIH, a Bejtović je član Predsjedništva Naše stranke, najvećeg vrha jedne političke stranke i član njenog Savjeta za zdravlje, pa je pitanje kako su svi oni uz visoke stranačke funkcije mogli biti imenovani na pozicije u UO, iako su morali dostaviti potpisanu i ovjerenu izjavu o stranačkoj (ne)pripadnosti.

Međutim, svi oni su na nezakonit način pribavili imovinsku korist i do sada oštetili budžet Zavoda zdravstvenog osiguranja Kantona Sarajevo za preko 18 000 KM, samo za jednu godinu. Pri tome je nevažno jesu li Dizdar, Kapo i Bejtović obmanuli Komisiju, ili je sekretar ministarstva zloupotrijebila položaj i ovlaštenja, ili je ministar Vranić dao nezakonit prijedlog. Tražimo da se ispita dati slučaj, ako se potvrde navodi tačni da se odmah razriješe članovi Upravnog odbora, te da se ispita nezakonit način pribavljanje imovinske koristi, te Odluke koje su donijeli. Također tražimo da se ispita Komisija na čeku sa sekretarom ministarstva zdravstva koja je provela proceduru prijava.

